

AWIG-AWIG KRAMA DESA ADAT BANJAR/ DUSUN KEDUI



OLIH

KRAMA DESA ADAT BANJAR/DUSUN KEDUI
DESA TEMBUKU, KECAMATAN TEMBUKU
KABUPATEN DATI II BANGLI

1984

AWIG-AWIG KRAMA DESA ADAT
BANJAR/DUSUN KEDUI



AWIG-AWIG DESA ADAT KEDUI

Om Awigena namastu.

Krama Desa Adat Kedui, wewidangan Desa lan Kecamatan Tembuku, Kabupaten Daerah Tingkat II Bangli, duk paruman ring raina Buda, wara Wage, titi tanggal Warigadian, panglong ping pitu, Içaka warsa 1906, tanggal maschi 6 Juni 1934, gilik saguluk saha susrusa ngemanggehang awig-awig kadi ring sor.

Sara Citta.

Desane mula peawakan pesayuban krama desa rawuhing ke learga pawongannya. Manut dresta desane kenanggehang Bhuana Agung, pawongan soang-soang pinaka Bhuana Alit. Adung patemon bhuana kalih melarapan çanta-jagathita sinanggeh murdaning prayojana pangriptaning awig-awig.

Sotanning Bhuana Agung, desane wantah pawakan "Bhawa Aurip" jangkop saha Trihita Karana karannya luire:

1. Parhyangan sehanan kahyangan desa, genah ngarcana maka atman desane.
2. Palemahan, tanah kekuwuban saha dagingnya sinanggeh angge sarira tawulan desane.
3. Pawongan, warga desane sami pawakan Trikaya, awanan desane sida maolah maprawerti.

Sejaba dresta inucap, pamekas Pancasila, UUD 1945 miwah sehan peraturan-peraturan pemerintan Republik Indonesiane tan maren manggeh keinggilan tan wenang kelempasin antuk awig puniki.

SARGA I

ARAN LAN WEWIDANGAN DESA

. Pawos 1

(1). Desa Adat puniki mewasta Desa Adat Kedui.

(2). Wates-wates jebag kekuwub wewidangannya,

1. Sisi wetan Tukad Barong.
2. Sisi Kidul banjar Tegalasih.
3. Sisi Kulon Pangkung.
4. Sisi Lor Aria Kelempung.

- (3). Wewidangan palemahan desane kewangun wantah tunggal banjar kemadon.

Pawos 2

- (1). Sehanan sekeha tan wening ngardi awig-awig.
 (2). Sekeha kemawon meawak pahan, sinanggeh tangan sukuning banjar.

Pawos 3

Kekuwub wewidangan desane, manut dresta luire:

- (1). Kapupulan kerang paumahan, sinanggeh palemahan desa pakraman.
 (2). Setera miwah tegal ring kekuwub wewidangan desane, se-jabaning palemahan desa pakraman, manggeh telajakan desa.

Pawos 4

- (1). Awig-awig, perarem-perarem miwah sehanan pasuara desa, manggeh kajejerang ring kekuwub wewidangan desa sami.
 (2). Awig-awig miwah perarem subak abian ring telajakan desane, tan maren manggeh keangsalang.

SARGA II

PATITIS LAN PIKUKUH

Pawos 5

Desa Adat Kedui ngemanggehing pamikukuh,

1. Pancasila
2. Trihitakerana manut tatwaning Bhuana Agung.
3. UUD 1945, panekas Pasal 18.

Pawos 6

Luir patitis Desa Adat Kedui,

1. Mikukuhin miwah ngerajegang Agama Hindu.
2. Mikukuhin awig-awig, sima, kerta, pasuara.
3. Ngerajegang pasukertan desa saha pawongannya sekala - niskala.

SARGA III

Palet 1

INDIK KERAMA

Pawos 7

- 1). Sane jenek mepaumahan ring desa adat Kedui kasinanggeh wong desa Kedui.
- 2). Jong desa inucap lingginya wenten 2 soroh:
 - a. keluarga sane megama hindu tur ngeranjing mekerama, nyungkemin kanyangan tiga, sinanggeh warga desa.
 - b. sejaba punika sinanggen tamiu.

Pawos 8

- (1). Sehanan keluarga sane megama tur pastika nanggap karang desa manut dresta sinanggeh kerama desa Arep.
- (2). Man keramane kadi ring ajeng madue sametonan sampun meralian patut tedun ngayah, kewastanin ayah baluangkep.
- (3). Kerama inucap ring ajeng 1 lan 2, taler kesungguh kerama suka-duka. / *Kerama adat.*

Pawos 9

- (1). Sehanan warga desa sane sampun anom kepupulan ring sekeha Deha-Teruna.
- (2). Sekeha kadi ring ajeng patut taler ngayah, kewastanin ayah Deha-Truna.

Pawos 10

Petegenen Marga Desa:

- (1). Patut setinut ring daging awig-awig, pasuara miwah sehanan pararem desa.
- (2). Keni ayah, manut duconan miwah papeson sejangkepnyane.

Pawos 11

- (1). Sehanan warga desa patut:
 1. Dreda aruang ring desa.
 2. Tan mari ngutsahayang rangde desane prasida nyumyuranut ring patitis.
 3. Natak panes tis kertin desane.
- 2). Jong desa sane.....

- (2). long desa sane sinanggah tamiu patut,
1. Tinut ring tetiwak desane nganinin indik ngupeti kesukertan desa sekala-niskala.
2. Tan wenten nungkasin sepemargin kerbita desane.

Pawos 12

Petias utawi ulihan warga desane:

- (1). Polih pesayuban ngemanggehang kesukertan raga, agama sana druwennya soang-soang.
- (2). Polih pengayoman prajuru manut deresta nganinin,
1. Sangaskara kauripannya sane maouat, sane mastikayang sulur pakulawangan.
2. Kesukertan miwah kesucian dewek, parhyangan, miwah karangnya soang-soang.
3. Kesukertan druwennya soang-soang.
4. Kebawosin tur polin penyapsap wicarannyane.
- (3). Nyarengin pauman desa sana wenang ngendagang adnyana karsa miwah mastikayang pamutus.
- Hale W.9 = (4)* Kengin mapuangkid (ngidih), nyada, nekel, luput, minekadi ring sor:
- Mapuangkid perade: mapuangkid meyadnya, nandur ring carik/tegal.
- Ngidih perade sakit, pialangan(sebel), matepetin sakit.
- Nyada perade sampun mausia 70 tahun, utawi kirang yenning sakit-sakitan. Sang nyada kakereb sundulang antuk oka/sametonyane sane sampun merabian (kerama sung duka). Yenning kerama ayah arep, kengin nyada yaning sampun wenten okan nyane meperabian sane jaga ngentosin ayahan arep inucap.
- Nekel perade tan nyidayang ngayah seantukan pangupa jiwa ke dura desa. Ageng alit panckel manut pararem.
- Luput, bacakan luput luwire: luput ayah, luput artabera: luput popeson turmaning sane kepututang: Sang sakit taunon (luput ayah), sang ceda tangga banget (luput ayah), sang kewelas asih, minekadnya anak alit ubuh (luput ayah) gementos usun masekolah (SMFA), muah sane lianen, tur soang-soang pamangi luluputan inucap manut deresta lan perarem.

- (6) Kelihan desa, kelian sekehe miwah penyarikan sewosan mawiwit saking kerama ayahan ngarep.
- (7). Kelian desa, kelian sekehe lan penyarikan-penyarikan keutsahang mangda uning ring sulur tata cara adat, agama lan rasan tetimbang, tan ceda angga, ceda budi, tan kapialang antuk uger-uger panegarane.

Pawos 16

Swadharmaning kelian desa, kelian sekeha, *Bendesa*

- (1). Ngenterang paruman-paruman desa/sekeha.
- (2). Ngenterang pelaksanaan sedaging awig-awig miwah pamutus.
- (3). Ngeraksa saha ngatur tata ngangge seraja berana druwen desa/sekeha.
- (4). Nuntun tur ngenterang kerama rauhing warga desane ngugeti kesukertan.
- (5) Nuntun saha nyaksinin tata cara miwah sang askarayang kauripane mabuat, sane ngilitang sulur pakulawangan.
- (6). Kawosin kulih niwakang pemutus ring wicara desane, nganinin indik patungkas ring awig-awig.
- (7). Ngewakilin desa utawi sekeha matemuang baos ring sapa sira ugi.
- (8). Miwah sane sewosan manut dresta.

Pawos 17

petias utawi ulih-ulihan Prajuru luire:

- (1). Leluputan seluwiring pakenan-pakenan sejabaning artha-berana.
- (2). Cenengan seluwiring duman ring desa/sekeha.
- (3). Ulah-ulihan sewosan manut pararem desa/sekeha.

Pawos 18

Prajuru kegentosin riantukan:

- (1). Sedapadem.
- (2). Antuk pinunas nyane/yanning sampun 8 tièn.
- (3). Kananoroyang / *Kesurudang*
- (4). Pastika tutug pamadegan selami 8 tièn.

Nganoroyang, prajuru majalaran antuk pararem maka pamutusing paparuman desa/sekeha.

INDIK PARUMAN

Pawos 19

- (1). Bacakan Paruman luire, Paruman desa, paruman banjar dalem, paruman prajuru, paruman sekeha/Pruno-truni.
- (2). Sehanan paruman sida lumaksana yan sampun ketedunin antuk sang patut nyarengin bilih langkungan ring atenga keh ipun.
- (3). Sehanan pamutus kausahang pisan melarapan antuk gilik bryuk siyu, bilih tan nyidayang sampun mekeha *makehan* sinanggeh pamutus.
- (4). Ring sehanan paruman tan maren kemanggalain antuk pengarcana ring ida begawan penyariken saha widi widana/cane.

Pawos 20

- (1). Paruman desa patut kewentenang ngangken asasih (1) apisan.
- (2). Paruman sekeha/banjar dalem asasih sepisan.
- (3). Mangken kadi ring ajeng, kelian desa/kelian banjar/sekeha patut nyiarang pemargine ngenterang desa/sekeha/banjar, pamekas nganinin indik:
 1. Munjuk lungsuring Pakraman miwah ayah-ayahan.
 2. Pemargin penelah miwah arta-berana desa/sekeha/banjar.
 3. Pemargin usaha-usaha desa/banjar, sekeha sane mabuat.
 4. Sehanan wicara tungkas ring awig-awig sane pamutusnya.
 5. Daging parerem miwah pasuara-pasuara.
 6. Rencana prajuru nganinin usaha Kertin desane kapungkur.
 7. Miwah sane sewosan.
- (4). Sehanan siaran kadi ring ajeng katitini saha katiwakin pamutus antuk Paruman Desa miwah banjar, utawi sekeha sane wenten ring Kedu.
- * (5). Pamutus paruman desa/banjar, sekeha sinanggeh perarem sane ngawiwenang nyelem putihang pemargin desane/banjar sekeha sinanggeh sepat siku-siku patut ketinatin antuk kerama miwah Prajuru.

- (1). Paruman Prajuru desa/banjar, sekena kawentenang nyabran-nyabran anut kabuatannya. *satu tu sekeha*
- (2). Paruman Prajuru kadi ring ajeng katuntun antuk kadi in desa/banjar, sekeha.
- (3). Paruman Prajuru kewenangannya ngamedalang pasuara nganinin indik pemargin awig-awig.
- (4). ~~Rencana~~ *Reksa* usaha desa talar kewenang *saking* paruman Prajuru.
- (5). Séhnanan rencana, bilih-bilih rencana perarem sane pacang niwakang tetegenan ring krama, tan wenang kelaksanayang sebancn kepikukuhin antuk pamutus paruman desa/banjar, sekeha.

Palet 4

INDIK KULKUL

Pawos 22

- (1). Kulkul ring desa adat kedui, luire: kulkul desa, kulkul: banjar, sekeha miwah sane lianan.
- (2). Kulkul desa lan kulkul banjar, sekeha tan wenang katepak yan tan manut kadi daging awig-awig puniki.
- (3). Tabuh tetepakan kulkul inucap pastika mesewosan manut tatujon, luire:
 1. Tengeran upakara yadnyan desa lan patedunan biasa sane sampun kearahang: lelambatan duang tuludan.
 2. Tengeran anak istri mawiwaha puput manut adat: bulus duang (2) tuludan maweweh duang kelentungan. *(+ 2)*
 3. Tengeran ^{*Mu yong*} ngurungang ngelaksanayang pekaryan 3 (tigang) kelentungan.
 4. Tengeran wenten wong desa kepelegandang, sinalih tunggil wong desa kemalingan, wong desa keamuk, kebegal utawi bahaya pati sewosan: bulus duang tuludan.

Pawos 23

- (1). Kulkul desa/banjar, sekeha tan wenang katepak yan tan sanghaning pituduh prajuru, sejawaning tengeran kepanca bayan sekadi ring ajeng sane ketepak antuk sang nguningin, sane atur upeksa sesampunnya.
- (2). *...* kulkul tetengeran pekaryan patat ketedhina antuk

- ayahan manut ring dedaunan utawi siaran.
- (3). Tengeran kepanca bhayan patut ketedunin antuk sehanan ayahan lanang rauning truna saha gagawan anut ring rupan bhayanne.

Palet 5

INDIK DRUWEN DESA

Pawos 24

Padruwen Desa Adat/banjar, sekeha Kedul.

- (1). Jiwangunan luire: Jiwangunan suci mekadi parhyangan-parhyang an, penyicilan desa adat, jangkep pratima saha serana pebah-tian.
- (2). Gelebeg gong, balai banjar, bale kulkul miwah sane lianan.
- (3). Gong abarung.
- (4). Tanah laba pura mekadi tegal: sikut, tanem tuuh: kelapa, panili:
- (5). Setera apelemahan.
- (6). Arta-berana sangkaning urunan, pedana punia miwah sane sewosan.

Pawos 25

- (1). Upon-upon laba pura.
 - kelapa: druwen desa/banjar, sekeha, penyakap tan polih.
 - Cengkeh: pah 3, Desa/banjar 1, penyakap 2.
 - Padi: pah 3, Desa/banjar 1, penyakap 2.
 - Jagung: pah 3, Desa/banjar 1, penyakap 2.
 - Lambon: pah 3, Desa/banjar 1, penyakap 2.
 - Kopi: pah 3, Desa/banjar 1, penyakap 2.
- (2). Kawigunan opon-upon laba pura kadi ring ajeng wantah mangge ngepah hayu parhyangan desa miwah aci-acinnya saha kertin desa sewosan.
- (3). Prajuru wenang ngetangang padruwen desa, saha kesiarang nyabran paruman antuk ilikita pastika.

Palet 6

SUKERTA PAMITEGEP

Kaping 1

KARENG, TEGAL LAN LABA PURA/ CARIK.

Pawos 26

- (1). Karang desa sane kegenahin paumahan soang-soang krama desa manut dresta wantah pawench desa adol maha cinna wala ayah marep ring parhyangan' desa.
- (2). Sehanan karang paumahan kadi ring ajeng patut: Pastika wenten wates ipun, mapemedal kerurung, utawi kemargine (tan wenten kabebeng).
- (3). Asapunika telor paumahan ring tegal, kautsahayang mangda kawentenang kadi ring ajeng, sane majepitan patut ngewehin margi karurunge sane pinih nampek.
- (4). Tanah status kedui dados adol, sakewanten ayah tetep ring kedui.
- (5). Laba pura (ayah desa) nenten dados gadeang napi malih keadol.
- (6). Dados adol yening warise sampun cepet, antuk banten apejatian medaging jinah limang atus (500) bolong, sane nebas tunggal banjar. *pekarangan*
- (7). Yan keperluan ngadol ayah pereragan, banjar nambah cara biasa.

Pawos 27

- (1). Sehanan kerama patut ngewatesin karang nyane soang-soang jantos sida trepti nyatur desa.
- (2). Wates karang, tegal sane majepitan patut ketegen olih krama sanemaulu kewates inucap manut dresta/patut tegal sane wenten ring dusun Kedui megaleng keteben.
- (3). Taru miwah ulih-ulihan sane maurip ring wates kadi ring ajeng; patut kedruwe olih krama sane negen inucap.

Pawos 28

- (1). Tanem tuuh, tetangunan luire, tana ngangge karang tan menang nakhoni miwah ngawenang pasol, utawi karang penyanding ipun, patut ngewentenang pasuara.
- (2). Tanem tuuh tetangunan tan menang ketandur ring penyanding sikut karang paumahan (sikut 200) sejaba ring telajakan (tana) sikut depa nyeregang saking penyanding ipun.

- (5). Yan wenten karang desa kegeh, sane acutak dados kelih utawi langkung, warga desa sane nanggung punika patut ngayah.

Pawos 29

- (1). Tan wenang nanem utawi nunjel sawa miwan awak-awakan sawa ring paumahan.
- (2). Taler tan wenang makta/ngenahang barang sane ngeleténin ring karang paumahan, bilih-bilin yan keletéhane nge-lantur sinanggeh ngalembak ngeletchin desa manut agama.
- (3). Tan wenang masang emper-emper ring karang, tegal sane nrepek rurung (margi).

kaping 2

WEWALUNGAN

Pawos 30

- (1). Sehanan warga desa sane memelihara seluir wewalungan patut sayaga nitinin, pegul utawi ngelogor mangda ubuhane tan wenten ngerusakin karang utawi abian anak sewosan, bilih-bilih mangda sampunang ngeranjing ngeletchin kahyangan.
- (2). Punika taler sang madruwe pabianan, karang paumahan, parhyangan patut magehin, nembokin mangda sida terpi nyatur desa.
- (3). Prade wenten wewalungan ngeleb turmaning turmaning nge-ranjing pekarangan peabian sewosan, sang madruwe karang peabian wenang melungguhang ring sang madruwe wewalungan.
- (4). Bilih yan asasih ngantos ping 3 melungguhang wewalungan punika patut ketaban.
- (5). Tata cara naban luire:
 1. Sang naban patut misedek ring kelian desa utawi ring prajuru sane lianan.
 2. Taler atur upeksa mungguing kerusakan.
 3. Wewalungan tetapanan, punika patut kerobus olih sang madruwe.
 4. Agung alit penebuse anut ring petuduk prajuru, kondungan ring danda anut ring kerusakan nyan abian punika.

5. Jeralungan punika kadruwenang olin sang naben yanning:
- Tan wenten pariangan.
 - dilih yan asasih sampun ping 3 setabra, melo pin kebebasan prajuru.
- (6). Ring peobianan, karang ten wenang mawang: sungla, racun; perade kelaksanayang nalaran maka penangkem baya, saking buron lienan nekadi ipun: ilandak, lubak al'ah buron sane pados n, sang anasang sungla, racun punika, perat ngun-
tangan; rang penyending nyane.
- (7). Perade wosalungan ngeleb ngeranjing ring kanyangan, sang madruwe wenang kesisipang antuk danda prabeyaning upakara marisuda.

Kaping 5

BHAYA/PANCA BHAYA

Baya / Panca Baya,

Pawos 31

- (1). Makena bhaya wenten sinunggeh pinca bhaya,
1. Jibe bhaya, kebegal.
 2. ~~Ayga~~ bhaya, kemalingan.
 3. Geni bhaya, umah puun.
 4. Palegandang pamekes.
 5. Dura cara ring agama.
- (2). Warga desa sane uning ring wenten jibon lanturane danda utawi kehenan bhaya patut atur uning ring prajuru desa utawi kepala dusun/kelian dinas tur neyak hullal ngpitulung.
- (3). Warga desa sane kecalan utawi artha bhaya tur pacang
a. beserep patut nunas patuduh ring prajuru.

Pawos 32

- (1). Sehanan warga desa sane polih nuduk barang sewongkenin desa adat. Keduai patut atur upeksa ring prajuru.
- (2). Sang mariangken patut nyinmayang mungguing punika mantah kramenyan.
- (3). Perade jantos asasih ten wenten mariangken risogun kesi barang antuk prajuru sejeroring paruman utawi ring patedu nar, barang-barang dudukan inucap wenang kedruwe antuk sang nuduk.

duh, tan wenang ngeranjing ke arah sadara je
teprayascita manut agama.

3. Sangkaning padem (sebel desa).
 - a. Padem anak alit dauh kari ngadut pungsed: 42 raine,
ngawit padem/mendem.
 - b. Padem biasa: 12 raine ngawit a jurug/ajasa.
 - c. Padem ngadut manik: 12 raine ngawit kapendawa, ngadut
sengker nunas sira dewasa ngurug bilih ngambil
sebelah 12 raine ngawit ngurug.
 - d. Padem salah pati/ngulah pati, manut penugrahan Ciwa,
manut dresta kesbelah: 12, *raida ngawit keffam-ops*
si re 12 raine ngawit a jurug/ajasa.
 - e. Yanning sang padem punika uca ngawit beun wenten bilih
ring parhyangan sampun rauh *penamaya "nyucil"* lede
tan sebel. Sang madruwe keantian, pergapat, penunbak
koni sebelah.
4. Sato agung ngawit bawi ngagampang *sejabonir mrapat*.
5. Sahman barang sane sinanggah manut agama, ucahi:
tulang, getih, bok, wiwitang watang, layudan pitra yac
6. Miwah cendala semosan.

(3). Ring kahyangan, bilih-bilih ring jeroan tan wenang nge-
lisenayang sahanan laksana sane samanggah ngeletenhin,
ucahi:

1. Manduh kawih-wah parusya seroban, yanning kapurug
wenang koni prabyaning prayascita cara pance sato.
2. *Majat Jal*/mageran bilih-bilih yan jeroan sapa/setu
pan: sane ketetenin (isang manut kebatuhan *nyagedilan*)
wenang koni prabyaning paurisudh *pauresigrahaan*,
manik sampah.
3. Dyutakrama.
... cececin anak alit, nengsin *paer* (ring jeroan) tan
wenang, sang melarug wenang, *paer* *paarisudaan*

Baris 35

- (1). Hermane sane memanggih utawi uning wenten jeroan ngeletu
kahyangan kadu ring rana, patu diar uning ring profuru
- (2). Jeroan tan wenten ngeranjing, wenang sesialahing dipanggih
serorogan ring coran.

Pawos 36

- (1). Dewa yadnya sejeroning desa adat Kedui ketuntun antuk prajuru sekalane, kewanten pemargi niskalane mesingghang Pemangku Desa.
- (2). Pemangku-pemangku kahyangan Desa keadegang melarapan "nuhur" ring luhur,
- (3). Pemangku-pemangku kahyangan desa kadi ring ajeng kawintenin antuk desane, punika taler upacara pengabenanne ring sedane kapungkur.
- (4). Hingguing penyanggra Banjar ring pengabenane kadi ring ajeng Arta berane marupa: Celeng mabobot: 100 Kg, Beras: 10 bale, ketan: 10 Kg, Kelapa: 200 bungkul, Pitik: 1 ~~AKK~~ ukud, Taluh: = bungkul, Bebek: = ukud. Miwah ayahan ngantos puput.
- (5). Prajurane tan maren nureksa-nitinin mongda I Pemangku ajeng nganutin sesanannya, dumugi tegap keeningannya, saha kepasti kayang olih-olihannya.

Pawos 37

- (1). Pemangku kegentosin seantutan seda utawi keusanang.
- (2). Pemangku adat sanalih tunggil keusanang, nejalaran antuk perarem maka pamutusing paruman desa adat.
- (3). Patusing paruman Desa Adat kadi ring ajeng, yanning sampun pastika sudosan IPemangku.

Kesalahan Pawos 38

- (1). Kahyangan penyawi-penyawi: pemaksan-pemaksan sewosan, tata cara ngastitiyang kesuciannya patut seeloan ring kahyangan-kahyangan desane.
- (2). Manut kadi ring ajeng, pralingga, pemaksaan inucap patut kesarongang rikalaning samua, pangusaben, mirah pangudasan manut Dresta.

Pawos 39

- (1). Olih-olin Pemangku Desa luire: Pengoleman, Lungsuran ring sanggaran/Baleagung, Sarin canang. *di bagji 3*
- (2). Luput ayah, bilih-bilih ring penyanggran kepademan warga desa.

Palet 2

INDIK RESI YADNYA

Pawos 40

- (1). Sang jaji narung jadinya kawikon/Luru loka, patut nunas panugraha ring Sang Rumawos (Parisada) tui mesadok ring Prajuru desa.
- (2). Prajuru inucap patut sareng nureksa nitinin sulur kalih pemargine manut kecaping agama, mekedi keceda angga, kecedaning budi (kesucian riwayat *hidup*) saha nyarengin pemargine.
- (3). Prajuru patut uning ring sane rumawos prade wenten indik-indik sane durung tatas, keduluring antuk cinna manut ring tri pramana.
- (4). Sepugute, Prajuru desa patut digelis ngentocin parab sang diniksa ring sehanan ilikita antuk biseka, kawikon manut penugrahan nabennya saha kokesiarang ring paruman desa adat

Pawos 41

- (1). Warga desane soang-soang sama kuta ketuntun antuk prajuru adat sareng ngawas nitinin mangda sehanan yadnya sane ke wentenang kaicen pamuput olin para wikune manut kawentenan nya soang-soang.
- (2). Prajuru patut nuntun saha ngemanggalain krome Desa Adat mikukuhin kesucian linggih para wikune.

Palet 3

INDIK PITIRA YADNYA

Pawos 42

- (1). Sang pacang atiwa-tiwa, mendem sawa (ngagen ketunon/sma) patut nunas kebebasan ring kelian desa/adat.
- (2). Sang atiwa-tiwa, mendem wenang nunas Ciwa Dewasa ring Sang Sadaka, turmaning sadurungipun patut, nunas tetimbangan ring kelian desa/adat.
- (3). Bacakan dewasa kekeran sane tar patut marginin atiwa-tiwa utawi mendem sawa:
 1. Dina patirtan ring kahyangan tiga, inggih punika: angge keliwon, Buda keliwon, Buda waga, Saniscara keliwon; P nika telel rainan pami sawa n.

- 2. Dina panamayan Ida bhatera ring kanyangan tig, nyejer di odal.
- 3. Dina was penganten, kalia gotongan, patut sorulur, warag pati ingkel wong, Parwani Tilea, Purwaka anwa dina sewosan manut bacakan wariga anut panugrahan sang sadaka.
- (4). Wong desane patut nitinin mangda sehanan letuh setraane tan wenten ngelalih/kebakta kedesa pakraman, bilih-bilih ke kanyangan.
- (5). Prade sawa sane pacang ketunjuk/utawi kagendea ring setra boyo sawan warga desa, patut nawur penanjung batu, agung alit manut pararem.

Pawos 43

- (1). Prajuru patut nitinin tur nuntun mangda yanya punika tinas, tan nyantulin kesukerten desa, pamakas tan wenten nyimpangin kesucian desa utawi kanyangan.
- (2). Pekaryan ngupakara sawa rauh atawa-tiwa patut kasukserah ring banjar/dresta. Pengambilan gotong royong, indik punika prajuru sane wicaksana.
- (3). Banjar utawi krona suka-duka, sawa kuta nyanggra pekaryan ngupakara sawa kadi ring ajeng.
- (4). 1. Luir tata penyanggran banjare:
 - *. Yanning pengambilanne wibuh:
 - 1. Mendem sawa (ngurug).
 - 2. Nyumawisang upakara bebanten: lsp.
 - 3. Meratengan.
 - 4. Ngupakara sawa saking meresihin kantos mendem ring setra.
 - 2. Atiwa-tiwa utawi ngaben.
 - Yan pengambilanne wibuh:
 - 1. Nyanggra/ngambil pekaryan wantah ping tiga, selaipun patut sang ngaben ngaturang sanga.
 - 2. Meratengan sejangkepipun.
 - 3. Yanning pengabile gegeson, kengin banjare ketun jejahitan ron-busung.
 - 4. Ngupakara sawa saking meresihin ngantos nunjel/n Yanning pemergine kincit, penyanggra banjar wantah:
 - 1. Gotong royong 3jam.
 - 2. Upakara sawa saking meresihin ngantos mendem at masmi.

(5). Banjare wenang ngemedalang patus anut ring leum, kincit pengambilanne, luire:

- Pangpanggun* ① Yanning pengambilanne kincit wantah mendem kemawon beras i lumbur, jinah bolong 5 (lelina).
Xaptem → 2. Yanning wibuh: patus beras 1 perepatan, kelapa 1 bungkul turmening banjare meratengan, sang nidruke sapa polih ajengan saking patus banjare: bale.
 Rikala banjare meratengan: Banjar arep/karang: saang asabit (10), Banjar baluangkep daun agulung.

Yanning atiwa-tiwa pengambilanne wibuh banjar ngemedalang: beras, tiing/papah jaka, pitik mihak kel kang; Baluangkep keni papah.

Yanning atiwa-tiwa dadakan, penyanggran banjare paten sekadi rikala upakara mendem sane pengambilanne wibuh.

Palet 4

INDIK MANUSA YADNYA

Pawos 44

- (1). Manusa yadnya matetujon merayascita bacakaning keregedan jadma warga desa sekala niskala, antuk sangaskara ngawit ssaking rare jroning gabhan ibunnyane matemu muka ripana-mayannya patinnya riwekas.
- (2). Pemagin manusa yadnya, yanning pengambile wibuh, kengin taler nunas penyanggran banjar sejeroning pemagin perate an/melarapan undangan banjar.

Palet 5

INDIK BHUTA YADNYA

Pawos 45

- (1). Bhuta Yadnya sejeroning desa adat kedui, matetuwek marascita desa adat mihak nguehin laban ring sapa bhuta-kala, mangda tan wenten ngawetuang byuta krama.
- (2). Pemangku kahyangan desa, pemekas pemangku kahyangan Dalel patut ngerencanayang pemangi bhuta yadnya manat sesih, sejeroning desa adat kedui/turmening kecenggra antuk pra juru sinamian/sane sinanggeh kelian. Pemangku kahyangan Dalem utawi Kelian Dalem.

- (3). Perincian pemargin: outayadnya punika keanutang ring pituduh Parisada.

Pawos 46

- (1). Prade wenteh cihna kedurmanggalang jagat, IPemangku desa kesarengin antuk Prajuru digelis ngutsanayang pamarisuda nunasang ring sang sadaka.
- * (2). Upakara miwah berataning sisipan taler patut keajeggang.*
- (3). Prajurune nuntun saha nabdabin mangda desane side trepti ring amati geninnya, wong desa sami mangda asuang ninutin.

SARGA V

SUKERTA TATA PAWONGAN

Palet 1

INDIK PAWIWAHAN

Pawos 47

- (1). Pawiwahan sejeroning Desa Adat Kedui, luire:
1. Patut tan lempas ring uger-uger utawi peraturan perundang-undangan pemerintah.
 2. Tan lempas ring kecaping agama.
 3. Keupakara manut dresta lan agama.
 4. Atur uning ring prajuru.
 5. Keupasaksi antuk prajuru, saha nyuarayang kulkuul maka ciri puput manut adat.
- (2). Pawiwahan patut kaurungang yan tan manut geguwet ring ajeng utawi sejeroning awig-awig punika.

Pawos 48

Indik pengerorodan kadi ring sor:

- (1). Sang ngerorod pastika patut medasar antuk sutresna dehatruna manut dresta.
- (2). Prade pemargine patut, sang nampi lan sang ngerorod politik pesayuban prajuru.
- (3). Sang ngerorod miwah nampi perorodan patut digelis atur uning ring prajuru dumugi aris ring Kepala Desa.
- (4). Prajuru utawi Kepala Desa patut nitinin pangerorodan punik nampi sampun manut Dresta utawi tempal.
- (5).

- (5). Yanning pasangina ten manut ring dresta, pangrorodan punika kasukseb ring sang rumawos/Folisi.
- (6). Sang pernah wkrang maseserep ring genah pangrorod punika katuntun oih prajuru.
- (7). 1 Prajuru ngutsanayang mangda sang mas serop bolih nyepukang rawos ring sang ngerorod pakeas ring sang istri.
- (8). Sang maseserep ten dados makta senjata tur tan kengin langkungan seking 3 diri, punika taler tan dados ngerawes tan patut (nangtang).
- (9). Kamindanda katiwakang yanning ten manut pasangina:
 - 1. Pengerorodanne punika kepasahang.
 - 2. Sang ngerorod kedanda manut perarem.
 - 3. Sang nampi kasengguh saroro ring corah, kedanda sepatutnyane.
 - 4. Yanning kelian dura cara mamiseka, kausanang dados kelian.

Palet 2

INDIK PASAH MERABIAN

Pawos 49

- (1). Krama desa adat sane pasah merabian patut mesadok ring prajuru nganinin indik, sekadi:
 - sultur sane ngawinan pasah.
 - sakaluir kehenan ring kala pasaha.
- (2). Prade sane kesadokang durung kepatut pepasahane, prajuru/kelian desa patut nuntun mangda sasulur pasaha pasaha rihin ring sang rumawos.
- (3). Risempun kecihnayang pepasaha ring sang rumawos, pasangina ring desa patut kejarwakang ring paparuman saha keilakityang sepatutnya. *Sawat Cewu*.

Palet 3

INDIK SENTANA

Pawos 50

- (1). Warga desa sane pacang ngidih sentana matut matur uning ring prajuru desa, asasih sedurung ke upakera.
- (2). Kulawarga purusa sang ayat ngidin lan sang nyentana patut napak sinabangan ring prajuru desa naka cihna padungan.

- (3). Prajuru inucap patut nyiarang ring banjar mungguing kowentenan nyentana kadi ring ajeng.
- (4). Sang rumasa keberatan ring pemerasan inucap, samistana masengker awuku patut nunas bawos ring prajuru desa.
- (5). Kelian desa/prajuru desa digelis mawosin saha ngicen pidabdab ritepengan sastra miwah dresta sewosan.
- (6). Yanning pidabdao kadi ring ajeng tan katidutin, sang merasa keberatan dados nunas pematut ring sang rumawas, Polisi, Pengadit
- (7). Sadurunge pematut kadi ring ajeng kaputus, upekara pemerasan tan dados kelanturang.
- (8). Yan sulur pemerasan sampun manut, prajuru desa wenang ngicen pesayuban tur patut nodya maka saksi utama.
- (9). Sewusan upakara, kelian banjar/desa digelis nyuratang ilikita desa miwah nyiarang ring pesangkepahan kepungkur.
- (10). Kala ngunggahang ilikita patut pastika wenten utawi tan wenten brana sakeluire sane sinanggeh "Pemerasan".

Palet 4

INDIK TETAMIAN

Pawos 51

- (1). Sane sinanggeh tetamian inggih punika:
 1. Tetamian teka luas, inggih punika bacakaning barang-barang sane sida adol atuku, ngeranjing ring bacakan punika taler utang piutang.
 2. Tetamian suci maka cihna wewangunan suci turun temurun tan wenang adol atuku mekadi parhyangan lsp.
 3. Tetamian adnyana mekadi pemergi patur Tri Rna.
- (2). Sang metamiang inggih punika sang ninggal tetamian.
- (3). Sang nami inggih punika sang nerima tetamian.

Pawos 52

- (1). Sang nami patut:
 1. Nerima tetamian teka luas, miwah tetamian suci.
 2. Neur tetamian adnyana antuk ngeleksanyang Pancayadnya.
 3. Sang ninggal agama Hindu tan wenang nerima bacakan tetamian kadi ring ajeng.
- * (2). Tata sulur-tami tinami miwah pemergi sane curung keguwet * ring daging awig-awig puniki pemarginnyane manut dresta.

SARGA VI

INDIK WICARA LAN PAHIDANDA

Palet 1

INDIK WICARA;

Pawos 53

- (1). Sane wenang mawosin məkadi nyapsap wicara ring desa, luire:
 - a. Kelian sekehe prade sang mawicara tunggil sekehe/banjar.
 - b. Kelian desa yanning sang mawicara *teos sekehe/banjar*
- (2). Wicara nganinin sang tempal ring awig-awig, perarem, Pasuara desa, wenang kelian desa/kelian banjar ngewehin pamutus.
- (3). Prade wicarane baya patungkas awig-awig, kelian desa/banjar wenang nyapsap mangda prasida adung.
- (4). Prade wicarane tan adung wiadin tan sida puput ring kelian desa/banjar, sang mawicara wenang nunas pamutus ring sang rumawos. (*Pakisada*),

Pawos 54

- (1). Wicara patungkas ring awig-awig patut ketepasin digelis, pastika janten iwang patutnya, melarapan antuk bukti, saksi miwah ilikita.
- (2). Pamutus wicara kadi ring ajeng patut tan mari ngupeti:
 - a. Mangda wong desane sayan pastika uning ring wewatesan iwang patut.
 - b. Mangda sang kawon uning uning ring keiwangan.
 - c. Nyapsap bibit-bibit pepinehe manusuh-musuhan.

Pawos 55

- (1). Pamutus wicara nganinin tungkas ring awig-awig, patut keutsahayang mangda polih pamutus ring perarem.
- (2). Wicara sane ketiwakin pamutus antuk paruman/perarem sinanggeh pamutus pastika patut keajegang, kapikukuhin antuk warga desa sinemian.
- (3). Kelian desa patut nunasang pematut ring sang rumawos prad wenten wong desa memandal ring pamutusnyane, bilih-bilih yan punika ngerangyang dusta ring kesukertan desa/banjar.

Palet 2

INDIK PAHIDANDA

Pawos 56

- (1). Bacoked pahidanda luire:

1. Ayahan panaku kesisipan.
 2. Banda saha panikel (saha panikel urunan).
 3. Kerampag manut dresta.
 4. Ujagara penyangakaran, pamaroyascite.
 5. Kanoroyang/kusanang makarama.
- (2). Panjak inucap masor singah manut ring kesisipannya patut manut ring geguet-geguet sejeroning awig-awig, dresta miwa tarata, tan mari ngupati ahara kandel arsan, pinah sjen, mek. buatan kesudamalan desa.
- (3). Deging gmidanda kacruce antuk desa adat/banjar silih seke sane resai ring desa adat kedul/sekeha sane ngukuhin desa adat.

Pasos 57

- (1). Drama sane langkungan ring tigang sagih memandai utawi nedunin urunan, miwah tan nalk gibungan dedosan, wenang kerampag.
- (2). Tata cara ngerampag kadi ring sor:
 1. Melaksanayang olih krema, keenterang antuk adilan.
 2. Sang kerampag ten dados ngalengin, saha tan mari sarer nyaksinin pemargin pengerampage.
 3. Barang-barang sane keambil mepongharga manut ring agung alit hutangnya sang kerampag.
 4. Yanning tan wenten barang sane wenang kerampag, dados taler nyawenin tanem tuun.
 5. Barang rampagan punika wenang/mawaneng 9 raine patut ketebus, yan tan ketebus ring raine kaping 10 pacang kelelang.
 6. Jinah hasil lelangan langkungan saking hutangnyaane kewaliang ring sang kerampag.
- (3). Tan kelugra rinampag luire:
 1. Barang-barang sane sinanggih suci manut dresta.
 2. Barang-barang sane ngaleng *salang cilwa karamagus.com*
 3. Sane pacang mademang sang kerampag. *Rekom pay.*

BAB VII

NGUWAH-NGUWAH AWIG-AWIG

Pasos 58

- (1). Awig-awig desa adat Kedul puniki sida kewah-wuhin antuk perarem desa, maka panyatung paruman krema sane tegeske:

sane kejengkepang antuk 2/3 saking kerama desa
adat.

- (2). Pamutusing 2/3 kerama desa bejeroning paruman, maka
pangewenang nguwah-nguwuhin awig-awig.

Pawos 59

- (1). Awig-awig puniki sampun keni wuwunan gaguet-gaguet mako
daging pararem-perarem pemutus paruman desa adat Kedui.
- (2). Mako unteng gaguet-gaguet saha daging suksemaning,
awig puniki wantah kaketus *saking deresta desa adat*.
- (3). Pengawuwuh, tata wangun sasulur panyuratan awig-awig
puniki masuluh ring imba awig-awig papupulan pakeling
saha katuntun antuk Badan Pelaksana Pembinaan Lembaga
Adat Kabupaten Daerah Tingkat II Bangli.

SARGA VIII

PANUPUT

Pawos 60

- (1). Awig-awig puniki kewastaning awig-awig Desa Adat Kedui.
- (2). Awig-awig puniki kemangiang ngawit keraramin.
- (3). Sakeluiring sane wenten sadurungnya patut keanutang
ring sedaging awig-awig puniki.
- (4). Sehananing sane durung keguet ring awig-awig puniki
mangde kesungkemin cinna kerta, aresta mibah perarem-
perarem ring desa adat Kedui.

Pawos 61

- (1). Awig-awig puniki kelingga tanganini antuk Kelian Desa
Adat, Kelian Banjar Dalem, Saha keseksian antuk: Kepala
Dusun/Kelian Dinas Kedui, Kepala Desa Temobuku, Camat
Temobuku, rauh katur ring Bapak Bupati Kepala Daerah
Tingkat II Bangli, pinaka murdaning panikukuh.
- (2). Luir sang ngelingga tanganin:

1. Kelian Desa Adat

[Handwritten signature]
Pro Nyarikan Lagu).-

... Lanjar Delon,

Mulyo

(... uarta).-



4. Kepala Desa Tembung,


(... winaya).-

5. Camat Tembung,

W. Suardi

(... Suandai, BA...)-
NIP.: 600005123.-

6. Bupati Kepala Daerah Tingkat II



(Ketut Winaya).-

NIP.: 600002622.-

... Kertono
...
Ganti, Ganti, Ganti, Gm.

1. Kelian Lanjar Delon,

Mulya

(Desa Sunerta).-



2. Kepala Desa Tembung,

[Signature]

(Desa Sunerta).-

4. Kepala Desa Tembung,

(Desa Sunerta, Kecamatan Tembung, Kabupaten Banjarnegara).-

5. Camat Tembung,

[Signature]

(Kecamatan Tembung, Kabupaten Banjarnegara).-

NIP.: 600005123.-

6. Bupati Kepala Daerah Tingkat II



(Ketut Winaya).-

NIP.: 600006022.-

7. Kepala Daerah Krato o
Ganti, Ganti, Ganti, Ganti, Ganti.